

Greiningarferli vegna gruns um lungnakrabbamein

Sem lið í bættri þjónustu við sjúklinga okkar hefur verið sett upp fyrirfram ákveðið rannsóknarferli fyrir sjúklinga með breytingar sem vekja grun um illkynja sjúkdóm í lungum.

Árlega greinast um 125 sjúklingar með lungnakrabbamein á Íslandi en mun fleiri eru með breytingar á lungnamynd sem kalla á frekari rannsóknir. Við grun um æxlisvöxt í lungum fer af stað ákveðið rannsóknarferli sem leiðir til greiningar sjúkdóms og í framhaldi af því til meðferðar.

Tilgangur þessa ferlis er að gera greiningarferlið hnitmiðað og stutt.

Grundvöllur fyrir því að þetta gangi upp er að sjúklingum sé strax í byrjun vísað til réttra aðila og þannig komið í veg fyrir að greiningarferlið lengist og misvísandi skilaboð séu gefin.

Ef grunur vaknar um æxlisvöxt í lungum ráðfærir viðkomandi læknir sig við ráðgefandi lungnalækni á Landspítala í gegnum skiptiborð spítalans. Hann metur uppgefnar upplýsingar og skráir sjúkling í greiningarferlið ef það er viðeigandi. Fyrirfram eru teknir frá tímar í hverri viku í nauðsynlegar rannsóknir til að hægt sé að koma þessum sjúklingum að með skömmum fyrirvara.

Ef sjúklingur er talinn eiga erindi í ofangreint rannsóknarferli verður hringt í hann þar sem greiningarferlið og frekari undirbúningur útskýrt fyrir honum.

Greiningarferlið fer fram í daginnlögn á deild A-2 á Landspítala í Fossvogi.

Í grófum dráttum lítur ferlið þannig út:

Sjúklingur kemur fastandi á deildina að morgni rannsóknardags eða kvöldið áður.

1. Viðtal við lækni
2. TS-brjósthol og efri hluta kviðar
3. Blóðprufur
4. Hjartalínurit
5. Öndunarmælingar
6. Berkjusegglun
7. Beinaskann
8. Viðtal við lungnalækni og hjúkrunarfræðing.

Skrá má sjúklinga í ferlið í samráði við ráðgefandi/vakthafandi lungnalækni í gegnum skiptiborð Landspítala í síma 543-1000 og í framhaldi af því er tilvísandi læknir beðinn um að senda skriflegar upplýsingar um sjúkling á viðkomandi lungnalækni.

Með kveðju,

Hrönn Harðardóttir, lungnalæknir.